

湖海樓詞集

冊三

THE NEW YORK PUBLIC LIBRARY

ASTOR
LENOX
TILDEN

湖海樓詞集卷十二

宜興陳維崧其年著

華亭董 俞樗亭

遂安方象瑛渭仁 選

如臯許嗣隆山濤

武進弟玉璫椒峯

滿江紅

汴京懷古十首

壞堞崩沙人說道古夷門也我到日一番憑弔淚同

鉛瀉流水空祠牛弄笛斜陽廢館風吹瓦買道旁濁

酒醉先生班荆話

攝衣坐神閒暇北向劉魂悲咤

行年七十矣翁何求者四十斤椎真可用三千食客

都堪罵使非公萬騎壓邯鄲城幾下

夷門

鉛筑無成不信道英雄竟死猶有客棄家破產東求

力士太息已看秦帝矣悲歌只念韓亡耳道旁觀誰

道祖龍耶妄男子

狙擊處悲風起大索罷浮雲逝

歎事雖不就波騰海沸羸政關河空宿草劉郎宮寢

成荒壘只千年還響子房椎奸雄悸博浪城

珍傲宋版印

汜水敖倉是楚漢提戈邊界想昔日名姬駿馬英雄
梗槩滌澤波痕寒疊雪成臯山色愁凝黛歎從來豎
子易成名今安在 俎上肉何無賴鴻門斗真難耐
算野花斷鏃幾更年代秦鹿詎爲劉季死楚猴甘受
周苛賣笑紛紛青史論都訛因成敗廣武山

太息韶華想繁吹憑空千尺其中貯邯鄲歌舞燕齊
技擊宮女也行神峽雨詞人會賦名園雪羨天家愛
弟本輕華通賓客 梁獄具宮車出漢詔下高臺圻
歎山川依舊綺羅非昔世事幾番飛鐵鳳人生轉眼
悲銅狄着輕衫半醉落霜雕弓絃砑吹臺

野渡盤渦中牟界濤翻浪走勒馬看殘山剩水一番
回首斜日亂碑森怪蝟危岡怒石蹲奇獸笑中原從
古戰場多陰風吼 炎劉鼎嗟淪覆袁曹輩工爭鬪
看金戈塞馬喧逐馳驟浪打前朝黃葉盡霜封斷壁
青苔厚又幾行雁影落沙洲多於豆官渡

宋室宣和看艮嶽堆瓊砌璐也費過幾番錘鑿兩朝

丹堊花石綱催朱太尉寶津樓俯京東路晉銅駝洛
下笑人忙曾迴顧 花千朵雕闌護峯萬狀長廊互
使神搬鬼運無朝無暮一自燕山亭去早故宮有夢
何由作數此間風物劇催人成南渡良嶽

曲水金塘流不盡汴京遺事記當日昆明水戰都亭
百戲相國寺前燈似晝南薰門外天如水恰政和天
子趙官家多才藝 火仗轉星球墜水幄捲雲房蔽

正扇分雉羽橋排雁齒此夜只憐明月好當時那曉
金人至記居民拂曉撥菰蒲尋珠翠金明池

北宋樊樓縹緲見彤窗繡柱有多少州橋夜市汴河
遊女一統京華饒節物兩班文武排簫鼓又墮釵鬪
起落花風飄紅雨 西務裏猩唇煮南瓦內鸞笙語
數新粧炫服師師舉舉風月不須愁變換江山到處
堪歌舞恰西湖甲第又連天申王府樊樓

古玉津園斜陽照滿陂蘆荻渾不見銅街鐵市層樓
列戟陰慘慘兮門自鎖冷清清地船誰摘繚垣邊覓
個不愁人如何得 白玉沓黃金福園芳樂樓青漆

任淒風苦雨籠窗動壁春去鳥啼樊重里月明花落
王根宅壞廊斜石獸趁行人行人嚇玉津園

汴水分藩憶帝子金牀玉冊人都羨憲王才調孝王
儔匹椒殿丁年喧鼓吹桂宮甲帳繙圖籍唱誠齋樂
府夜深時箏琶急 蔡河漲蘭橈織鴈池汎龍舟疾
記牡丹時節排當宿直一夜黃河瓠子決滿城紅袖
梨花濕痛波飄菰米入宮牆沉雲黑

寫近况酬寄曹顧庵學士即用學士來韵

黃雀銀魚羨秋後攔街塞術屬饜耳神仙難學底須
煉术萬事絆人園客繭百年戲我狙公栗倚秋城下
瞰暮濤紅煎斜日 風乍滿喧杉漆霜漸老催機匹
看雁排人字璽瓏幾筆詩怕殺青刊復毀髻憎鑷白
芟逾密只酒悲苦憶婦姑城呼鷹出

月之初六余將有廣陵之行前一夕行囊襍
被俱被偷兒負去戲作二詞示里中諸子
仍用前韻

酒盡天寒彈短鋏半生無術擬還向廣陵賣藥荷苓

挑木秋雨好攜巾竹杖荒原莫管周人栗束殘書准
趁半江晴期來日 蝙蝠暗空如漆絡緯叫難成匹
正籬搖書帶庭欹木筆計畫總嗟吾輩拙安排儘讓
天公密笑青氈一夜羽毛生飛而出

盜語主人驪駒唱留行無術堪歎息井叢熠燿白荒
松木冥阨關高驢齧薦王官谷險猿偷栗算一年作
客縱歸來無多日 何不販山中漆何不織機頭匹
只年年懷刺幾時投筆肱篋愁看君笥儉緘縑喜遜
隣家密請先生晨起檢空箱如何出

贈史遠公五十卽用學士原韻

畫苑詞場數儕輩君才橫出論戈法韭花蠶尾盡推
適密九殿爭傳鸚鵡賦戊戌會試遠公已擬第一人
重瞳親獎龍蛇筆遠公署書爲 天語所獎更岐王
含笑看揮完綾千匹 熬不熟仙家漆粘不住天邊
日歎籬還采菊里仍呼栗醉斫月中一片桂閒收雨
後三峯木儘清狂舍此問成仙無他術

賀曹掌公秋捷仍用前韻

老盡詩人吳與越惟君傑出人
都羨家風華貴文瀾綺密三世金蓮學士燭一門銀管湘東筆看來春駿馬蹴長楸千千匹僕老矣身空漆卿健者懷吞日記酒行以往玉溫而栗記與掌公吳趨高會時學圃條豐君掇杏硯田殖落余鋤木擬蔗竿變技學曹公穿楊術

贈大西洋人魯君仍用前韻

怪怪奇奇咄咄甚謔謔出出經過處遲羅瘴惡荷蘭烟密鶴語定知何代事麟經不省何人筆駕崩濤九萬里而來鼉鼉匹海外海光如漆國外國天無日詔焦僥龍伯魂搖股栗善奕慣藏仙叟橘能醫却笑神農术更誦完一卷咒人經驚奇術

贈吳白涵仍用前韻白涵工詩善琴吾邑中

高士

轟隱家門捉鼻免問君何術適志耳和烟種樹帶雲春术杜老堂前隣撲棗陶公酒後兒呼栗更風潭來宅月當門消閒日詩酒外誰膠漆猿鶴侶吾儔匹

任客誇裘馬人矜才筆書到成時松竟老徑當僻處
蘿偏密叩苔扉半晌不逢人琴聲出

憶舊游寄金沙王弓銘張杜若徐岐雖史兼
三諸子仍用學士來韻

曾記中原與數子揮鞭競出同憑弔園空石尉城荒
李密洛下金墉城李密城也夜臥戍樓風咽鼓晨題
敗驛霜膠筆更月中帶雪上轅轅奇無匹 戰場內
碑填漆叢祠外燈搖日憶並鞍舞蔗分籌賭粟往事
鏟來如削草新愁製就同煎术算倩他白日繫長繩
嗟無術

丹陽賀天山寄詞二闋屬和其韻

枯樹衰楊三歎息物猶如此白眼看塵埃野馬子虛
亡是四壁豈無窮可送九天只有愁難寄放狂歌金
鐵一時鳴吾衰矣 拜特進官承旨僮列鼎奴衣紫
更屏間窈窕增前阿唯若有人兮寧足慕彼何爲者
殊堪恥曾幾回策馬樂游原荒煙耳

速壘糟丘卿莫惜墟邊酒價能幾日秦關月小漢宮

花謝萬里秋從西極到千年淚向南樓灑婦人裝胡粉且搔頭無人者風刮燭窗多罅雨淋壁簾須下溷南隣北戶詩場歌社白晝蘧蘧身化蝶青天夢夢程生馬約練湖鴉舅十分紅余來也日內將至丹陽故云

舟次丹陽感懷二首仍用天山韻

水面絃生郭索響誰能遣此問白傅潯陽江上可曾如是天外雨隨帆共落洲邊雁與船同寄人奴之咎罵此生無應足矣河蟹賤肥而旨秋山暮紅兼紫但酒酣以後呼牛亦唯鑄鐵竟成千古錯讀書翻受羣兒恥笑道旁石馬亦何爲風吹耳

且食蛤蜊管婢價何如奴價君不見棠梨一樹昨開今謝形狀何勞麟閣畫淚痕不上牛山灑願他年青史好爲之傳來者月射隙霜尋罅騎蓬背眠檣下笑長貧陳孺肉難分社張祐宅荒碑竄鼠呂蒙城闊帆如馬問半生何物誤人歟殘編也

過京口復用前韻

剩壘殘崖有多少英雄經此也則爲風吹浪打攢成
如是北顧髻鬟晴欲笑南朝君相生同寄歎齊梁一
片好江山都非矣 茶沸乳簾泉 旨楓繡纓酡顏紫
倘鶴猿招我欣然曰唯夔縱憐蛟何所益信偏伍曾
徒增恥踞蓬艫吹火騁雄談臧三耳
瓜步船來亟爲問淮南米價念欲索陶胡奴米何如
詣謝肝膽儘從鄰媪露毫毛拚向沙場灑數臣精今
日已銷亡誰容者 栗半熟經霜罅豚豚對舞浮波下
聽寺鐘隱隱隔江蓮社快意且騎隋苑鶴失時休使
瞿塘馬怪一軍銀鎧海門來潮頭也

渡江後車上作

磨鏡來耶怪范叔一寒至此古所謂弔喪借面將母
同是十載江河淮泗客一身南北東西寄問車中閑
置婦人乎真窮矣 村釀薄寒加旨斜日淡風添紫
有輿騶拉飲從而唯唯謁彼金張吾已過厄於陳蔡
誰之恥任兒童拍手笑勞人車生耳

亦復何傷終不掩文章光價曾抵突不知屈宋何論

沈謝一曲楚聲愁筑破半生情淚如鉛灑儘腹中容
得百千人如卿者 好覓個西村罇竟須在南山下
結斬蛟射虎疎狂之社夢裏悲歡槐國蟻世間得喪
隣翁馬語前驪叱馭且從容余歸也

看牡丹感舊

芍藥啼烟倚晴晝枝枝欲顫恰又是送春天氣夾衣
庭院香逕露濃圍綉幄軟簾風細低歌扇將去年情
事倚闌干思量徧 花與月曾留戀朝共夕閒游衍
在睢陽古郡商丘舊縣記得濃香籠兩袖醉餘馬上
攜歸便下小樓紅袖那人迎人微倦

壽武林徐世臣賢配邵孺人六十

曾在西泠徐穉下陳蕃之榻記當日湖山濃淡賓徒
雜沓夜雨對眠靈隱寺春帆競掠雷峯塔幾何時雲
水竟飄然攜瓢衲 室有婦機聲匝塾有子書聲答
喜鴻妻操作龍駒蹙踏設悅九天喧管籥穠觴七郡
傾壺榼正中秋月照浙江潮銀光合

余澹心吳園次周子俶顧梁汾秦對巖諸公

共飲集生家適余在山中未與此雅游也
藺次作詞見示余亦次韻

醉帽欹斜訝何處玳筵留客却誇我鱸魚桑落席門
置食滿眼紅牆愁裏過千場錦瑟閒中憶只君家數
過酒杯寬真難得也不羨鴟絃擘又何用鸞鏡摘
但茶香雙好居然雅集笑我凍栖梅一樹輸他醉把
螯千隻問酒謀之婦尚能乎期來夕

將發梁溪酒後與吳藺次

臣醒而狂問何處再尋荆叢但相見金樽休放玉簫
須擬舊事漫誇冠蓋里新愁合付昆明劫幸名園一
月共聯床歌聲接老鳳叫才何捷雛鳳語吟都慙
奈匆匆欲唱渭城三疊歸去道場山下路也應瘦了
丹楓葉只郵亭醉尉夜偏多休輕獵

藺次拏舟相訪與予訂布衣昆弟之歡而去
賦此紀事

雨覆雲翻論交道令人冷齒告家廟甲爲乙友從今
日始官笑一麾君竟罷病驚百日余剛起問乾坤弟

畜灌夫誰惟卿耳 嗟墨突殊堪恥憐范釜還私喜
且樵蘇不爨清談而已開口會能求相印吾生詎向
溝中死終不然鬻畚華山陰尋吾子

同雲臣和天玉元夜泊舟溪口感舊之作

峭冷尖寒也算做一番元夕還記憶清歌妙舞梅魂
雪魄向日微聞年少事狂夫曾到岐王宅把玉簫吹
起落梅風成今昔 水驛底孤眠客月榭口寒波積
正沉吟何限釵痕綦跡早信今宵鮫帕濕悔教那夜
屏風隔載一船離恨壓西溪溪流碧

郝元公署中食餅忽有茂陵之憶賦詞誌感
落拓無家數三匝曾栖汝潁記那日綠窗閒與姪人
說餅嫂粉宛同春絮薄映空絕似杭羅淨笑鸚哥偏
愛啄香杭吳兒性 纔半載歸鄉井拚兩地悲萍梗
算不因烽火幾成薄倖聞說衰師年尚幼戛羹解向
廚娘競只今宵入手恰輸他團圓影

秋日幾士兄姬人生子詞以志喜

人種追來喜阮曲又生遙集兄生子姬人係得之姑

母家是月裏風飄桂子夜來親拾日一驚看佳氣滿
經年怪底吟聲澁兄素勤詞翰年來竟不作詩果息
機結得蚌胎成珠光濕嫂已慶螽斯緝孫漸解勝
衣揖笑阿兄此事得毋非急小弟今冬方五十飄零
一綫河之北待來春挈取小獅兒還鄉邑

再疊前韻酬幾士兄

阿大中郎論家世人人有集吾老矣沅湘香草童蒙
聊拾破屋霜紅蘿薜暗空齋雨黑倉琅澁歎青衫原
不爲琵琶年年濕誰耐把殘編緝久嬾向侯門揖
算曹劉沈謝非今所急一片月懸關塞上五更笛落
闌干北正匣中刀作老龍吟聲於邑

三用回韻與幾士兄言懷并示珍百雲臣竹
逸諸同志

蹶盡霜蹄休再問龍城馬邑計決矣我寧作我北山
之北焉用文之身旣隱未常聞仕如斯急見長沮桀
溺耦而耕趨而揖蘇與芋連宵緝松共桂和雲濕
任園官賈苦霜畦莧澁米號長腰春碓煮子名蒼耳

揮鋤拾問挂來牛角是何書淵明集

四用回韻爲幾士兄納姬人賀

桃葉桃根把雙槳親迎隣邑記住在香街直下畫橋
斜北扶下銅輿鴉髻妥貯來綃檻鶯啼急暈桃痕注
靨道勝常羞郎揖 繡架鞦鴛鍼緝紅浪皺鸞衾濕
學夫人舉止漫嫌生澁春嬾一床和月捧新嬌半搦
從天拾怪新詞豔粉恰盈箱閒情集

懷龔仲震臥疾梁谿

貰菊賒螯記共醉梁谿客夜風不定軟簾輕漾一燈
高下白髮放顛長忍餓朱門慳酒偏遭罵曉雞號猶
欲挽銀河梧中瀉 書散誕蕭思話聲嘍咄甘興霸
每廁身鐙杓袒而行炙老興郎當烏啄肉秋懷浩蕩
鷹離架怪新來痺疾偃霜簷酸風射

余有懷仲震詞南耕昔在南昌亦與仲震同
作老客遂次余韻亦成一首斐然見示仍
疊前韻用東南耕并令仲震他日讀之一

軒渠也

五老匡廬挂冷瀑長晴不夜秋瑟瑟兩賢相見琵琶亭下閱盡江山真欲舞算來人物誰堪罵倚滕王傑閣瞰章門銀濤瀉
羈旅恨鄉關話拉龔勝呼曹霸儘雄心耗與冷杯殘炙一朵菊花人伏枕半庭荳葉秋除架只幾年踪跡最難忘同游射

擁爐記與雲臣南耕分賦冬詞有圍爐一題

今者栖遲省幕縱有紅爐獨擁而已何言圍也賦此以誌予慨

炙盡烏金銷不了鬢絲微雪依稀聽一城巷杵半樓簷鐵撥盡寒灰人語悄悄跋完官燭雞聲咽笑西廊鸚鵡也愁寒頻頻說小窗底屏風折微酣處爐薰熱但得人圍繞心情頓別記得常年喧笑語留床茶臼參差列只候門獸炭枉堆盤增寒冽

風雪行丹陽道中

禿樹僵杉趁玉舞離披作勢經多少斷橋仄礪破樓枯寺氈笠裹風嗟聲發笋輿兀雪愁顛躓謝郵亭湯社點紅薑招行騎鑿不破琉璃水凍不了魚龍市